

全唐文



欽定全唐文卷八百八十四目錄

徐鉉七

蔣莊武帝新廟碑銘

茅山紫陽觀碑銘

并序

舒州周將軍廟碑銘


池州重建紫極宮碑銘

洪州西山重建應聖宮碑銘

并序

大唐故匡時啟運功臣清淮軍節度壽州觀察處

置等使特進檢校太傅使持節都督壽州諸軍



事壽州刺史御史大夫上柱國彭城威侯贈太

尉劉公神道碑

共陝西山重數

陝州重數

陝州重數

陝州重數

陝州重數

余

應文全書文卷八百八十四目錄

欽定全唐文卷八百八十四

徐鉉

蔣莊武帝新廟碑銘

臣聞南正司天授宗祝史巫之職春官掌禮詔犧牲玉帛
之儀皆所以別類人神統和上下三時不害力穡以之普
存百物阜安薦信猶其多品用能舉明德而徼景福播和
樂以致靈祇三五已巳是物也若乃混元宣氣山岳成
形雲雨於是乎生賁用於是乎取故有毳毼之服璋邸之
符或以肆瘞垂文或以廢懸著法虞舜聖帝也而有徧于

之祀周武明王也而有惟爾之祈至於祊田高邑之都藻
蒞桑封之秩稭稊有羨蘭菊無虧大典奇篇論之備矣後
王徂帝聞斯行諸金陵山者作鎮揚都盤根福地峙天險
之左次瞰臺城之北隅陽嶺前瞻包舉青林之苑陰崖右
轉經營元武之池絕巘嶽岑蔽虧日月深巖窈窕吐納風
雲層臺累榭臨其巔涌泉清池湛其下白鹿麀麀騰其藪
孔翠棲其林豫章杞梓之材橘柚櫨梨之實赭堊丹
雘之美錫銀金碧之饒固以事異假珍富兼諸夏登於軌
物掌以虞衡矧復奇怪中潛網緼上旨末應瘞雜寶

以祈年智士攸同指盤龍而建國亦何必嵩邱發峻始號
降神岷嶺騰精獨稱建福自時厥後代富靈游刺史還都
卽有栽松之地諸生肄業非無講學之場岫幌雲關訪徵
君於幽谷鹿巾霞帔集道侶於中林斯亦羣帝之密都先
王之冊府者也在昔霜鐘細品猶淹耕父之居反景微光
尚駐長留之駕况乎皇州列岳宅怪儲靈不有吉神孰司
陰騭蔣帝孕清明之氣稟正直之資實九德之所生與五
龍而比翼自西江考績謝聯事於元夷北部申威輯庶功
於黃綬於時祚終四百運偶三分人懷塗炭之愁家有剝

廬之痛帝則勤勞徇物慷慨憂時旣援張敞之桴卽振李
崇之鼓赤心未盡執漢節以忘生青骨難誣降北山而受
享飛蟲顯俗生民之舒慘焉依白馬耀奇平昔之威容如
在故使中都之印式報陰功長水之營旁旌同氣廬宮改
命非因介子之焚廟貌崇壇詎比愚公之徙自是光靈茂
遠代祀綿長或昭德而降祥或害盈而致罰黃旗紫蓋奉
五馬之禎符朱鬣碧蹄殄高山之巨盜賢如謝傳猶繫草
木之形親若始安亦假弟兄之助故得王封錫羨帝服歸
尊追炎昊以齊稱躅虞黃以接武事光典冊惠浹幽遐任

水木之遞遷顧高深而自改國家綠圖受祉黃鉞庇人分
二牧於土中包九有於宇下雖十聯百里亟更守宰之權
而四望五郊不易宗彝之數及威名暫失龜鼎中遷瀛海
飈迴坤輿幅裂而盤礴之際常奉周正封域之間獨爲漢
守衣冠舊族宛洛遺氓咸趨懷德之鄉共免永嘉之亂終
使皇天眷祐百姓與能克昌再造之基奄有六朝之地烈
祖功踰嗣夏體濬哲致中興皇上德邁繼文懋元良而
恢下武格天光表慰率土之歌謠累洽重熙漸羣黎之肌
骨所以珍符總至靈命畢陳極金篋以標年盡瑤編而紀

瑞襲於六藝貫彼三墳矧復聖作無方神謀不測殷周損益文武弛張制在先機申於後甲百吏奉行而不暇兆民日用而不知帝典恢宏天文貞觀摘華發藻挾贖披聾丹浦非好戰之師兩階有誕敷之舞坐知千里廓清五嶺之氛役不踰時底定七閩之難國風王澤自北而南樹立之權由來尚矣康無專享止崇藩屏之封穆弔不咸但著急難之詠未有極至公之舉正太弟之尊大義鴻猷如今日之盛者也副君膺則哲之寄有聖人之資由上德而貞萬邦用英才而總百揆麗正繼明之業仰奉宸謀持謙敬客

之心俯懷庶品則有齊藩上寄紆盭綬而握兵符燕邸眞
王珥貂冠而掌宮籥周公則武王之弟夏啟則吾君之子
故能緝熙帝載寅亮天工晏平仲之論和北宮子之謂禮
自家刑國草偃風行上下之際旣交華裔之情如一黑齒
奇肱之俗款塞來王碧嵩素滌之濱除宮望幸后夔典樂
已播薰絃司馬進稱行陳祕檢功旣隆矣德亦厚矣尚復
往而未止謙以益尊政靡不修思無不及以爲無文咸秩
訓誥之格言明祀是崇春秋之大義農祥晨正豐潔四馳
密雲不雨馨香並薦載紆睿鑒爰顧遺祠詔曰蔣帝受命

上元奠職茲土力宣往代澤被中區所謂有益於人以死
勤事者也今號位已極名諡弗彰闕典未申朕甚不取其
以勝敵克亂之業爲民除害之功因姓開國追諡莊武仍
令有司修飾寢廟備制度焉於是卽新審形面勢農
工告隙營室方中或懸水以爲規或飭材而攻木搏埴之
工麇至圻塤之伎星羅徑術常夷靡薙王孫之草荆榛舊
闢寧誅宋玉之茅百堵齊興自歲而畢繚垣十里重屋四
周樹文玉於庭中交枝霍靡挺開明於闕外詭狀髣髴納
陛逶迤碧疊元州之石橫梁天矯雪披後渚之梅豁朱戶

之曛曛陽光不夕閔深宮之靈霽暮靄常霏堂上布筵楹
間設奠管磬鐘鼓羅於下籩豆簠簋肆於前再變之音克
諧永貞之祝無愧神光倏忽褰服連蜷孔蓋翠旌若有光
而罔覲蕙肴蘭藉若有云而不亡用是高揖靈元永司純
嘏罔雨魑魅豈煩夏鼎之圖風雨雪霜無待桑林之禱則
知民和而後降福事理而後不祈人祇之間如斯而已者
也粵若先王命祀神道教人前哲令德之流九魁六宗之
類或以公侯視秩或以戶邑奉祠子晉之爲帝賓眞階匪
極傳說之騎龍尾景耀未融斯皆地勢本高升聞易達詎

有權輕五校壤狹一同而能比鏡軒台分光堯日縱質文
之迭改代奉典章及聖哲之丕承更加崇飾故金簡玉字
興王之統可尋兩騎五車受職之期斯在雖將歷選安得
同年昔者崑閬窮遊尚紀白雲之什燕然薄伐亦陳元甲
之銘孰與冥貺昭彰壽宮宏麗水通懸圃萃氣色於閭門
路接白楊煥丹青於垌野此而莫述後嗣何觀微臣潤色
無功討論奚取思問神於先聖姑欲事君苟獲罪於元穹
曷容媚竈惟於舊史想見英風適當罷役之初爰奉屬辭
之詔西川作頌誠慙邑子見稱南國刊銘或望至尊所改

庶使千八百國會執玉於茲峯七十二家配泥金於此地
其銘曰

茫茫元造萬物資始一經神怪一緯人理先聖則之以著
綱紀仰觀俯察上天下地高卑既定品物咸宜宣氣者山
配地曰祇三公是擬九牧攸司天作金陵蔣帝荒之巖巖
金陵作鎮上國陰林巨壑材生物植洞穴巖房逶迤詰屈
隱士無言仙童不食洪惟廟貌奠此名區位重天孫權傾
陸吾薜荔之服辛夷之車若自空桑來游下都翼翼京揚
馮馮輦轂運屬多壘聿祈深福峻殄堅夷勛亡景覆胙蠶

元功威蕤帝錄皇唐膺命和悅人神崇名則舊受職維新
祥圖雜集祀典紛綸終全王土以俟真人再造延洪繼文
光大陰陽不測天地交泰沒羽梯航雕題冠帶成民致力
祭神如在猶防闕典乃韻遺靈永懷簡冊欽若昭明克亂
除害膺茲大名亦有制度備於祠庭式瞻昏定昏定既正
爰揆農時農時弗虧虞衡肅給般爾交馳加之礮斲益以
章施新廟既成神居既寧我有常祀蒸餽薦腥匪崇匪祈
歆我惟馨三時不害大庖不盈昔在周家逮於漢室徒騁
騏驎虛羅甲乙純嘏弗臻斯猷愈失載返真風爰歸聖日

五衢榘木四照栽花馳烟驛霧晦景韜霞方介十巫何憂
一車行觀吉玉願折疎麻謝傅長逝王公不作獨我莊武
先紆睿畧魯墳無棘遼城有鶴刻此茗華永傳嵩霍

茅山紫陽觀碑銘

并序

臣聞太初之氣其生也無始眾妙之門其本也無名積而
成形散而爲器乾坤運之而兩儀立王侯受之而天下貞
是故斷鼇鍊石之功絕地通天之業衣裳軒冕之后干戈
揖讓之時雖復遭罹異塗步驟殊致莫不協契於神明之
域飲和於道德之原廣無爲之爲執無象之象萬物恃生